

hos libros incredibilis quidem utilitate refertos; sed à paucis admodum adhuc cognitos, si cum tui clarissimi nominis inscriptione divulgarentur; multò plus claritatis, & luminis; multoq; plus auctoritatis, ac dignitatis apud omnes habituros; & in doctissimorum oratorum manus, & conspectum, libentius, alacriusq; venturos. Videbam præterea nulli honestius, quàm tibi; & patriæ claritate; & maiorum nobilitate, amicis; & liberalitate; cæteris virtutibus, bonisq; ornatisimo, hos commentarios ab illustri Theologo compositos nuncupari; & consecrari posse. Natus es ex nobili gente Raparia; quam multos abhinc annos in ipsis ferè antiquissimis coloniæ Romanorum fidelis Cremonæ primordijs; si antiquitatis memoria replicetur; floruisse comperimus. Ex hac, tanquam ex equo Troiano in bello Milites fortissimi; in pace, Iurisconsulti prudentissimi; in Religione, Antistites grauisissimi; in vita ciuili, Philosophi doctissimi, gloria fulgentes exierunt. Tu verò, cum adolescens indolis optimæ, moribus, & litteris homine ingenuo dignis imbutus esses; ne latum vnguem à maiorum tuorum vestigijs declinares; in familiam, & piam sodalitatem Canonorum Lateranensium Diui Augustini; id vtrò ob præclarum ingenij tui indicium patribus expetentibus; te sacris addicens, vt cooptareris, operam enixè dedisti, in qua quidem ita, & omnium diuinarum, & humanarum disciplinarum cognitione; & morum probitate; & sanctimonia, breui viguisti, vt patribus approbantibus, omnibus ferè dignitatum generibus iuuenis dignissimus fueris iudicatus. Quid? nomen quidem ipsum, à prudentiss. patribus; cū te religioni sanctiss. cōsecrasti; tibi, ita diuino spirante numine, impositum; tuæ insequentis vitæ fuit specimen certissimum. Quis enim credat, tè Cherubinum temerario fortunæ consilio tunc nominatum; cū te in rerum diuinarum contemplatione versantem, in credibili scientia; & sapientia præditum; & velut ex beatorum sedibus ad nos delapsum; nunc videat; & admiretur? id profecto præfagienti animo prospexerunt maximi consilij patres; qui tibi, cum vix in eorum numerum fuisses adscriptus; doctissimo magistro, optimè nomen tuum interpretati; in religione, in philosophia, & Theologia, iuuenes maximæ expectationis erudiendos commiserunt. Ista fundamenta; quæ faustis iuuentutis tuæ auspicijs firma admodum iecisti; ad maiorem dignitatum molem sustinendam, te aptissimum postea reddiderunt. Hinc audiui; sæpè etiam audio; nomen tuum, à quamplurimis celebrari; dum res Beneuenti; Lucæ, in cæterisq; ciuitatibus Italiæ, abs te in dignitatibus posito, prudenter, fortiter, continenter, & iuste gestas, ita summa cum tua laude graniter, & studiosè commemorant; vt ex eorum oratione, te ubiq; omnibus charum, ac ceptum, atq; admirabilem fuisse, & adhuc esse, dilucidè appareat. No-